

晚

晴

移

詩

匯

晚晴移詩匯卷一百九十三目錄

道士

徐穎 一首

朱太侗 一首

俞桐 一首

張燦 二首

楊大綸 二首

榮漣 一首

李惠源 二首

曹峻 一首

樊太復 二首

水上善 三首

蔡敬一 一首

黃鶴 三首

周道昱 一首

郭長彬 一首

陳嘉宣 一首

楊通幽 二首

劉宗玉 一首

吳人逸 二首

夏時 三首

唐觀復 二首

夏霖 四首

韓承晉 二首

朱景文 一首

翟翥綏 一首

沈清正 八首

金鼎 一首

馮敬可 一首

宋昭明 一首

王彰 二首

梁清格 一首

王陽舒 二首

惠遠謨 十四首

施遠恩 九首

張雲龍 二首

陸自逸 二首

賀炳 四首

王蘅 二首

黃寬 五首

董白 一首

貝本恆 一首

晚晴移詩匯卷一百九十三

道士

徐世昌

徐穎字渭友一字巢父海鹽人

詩話渭友本諸生因事逃於僧自楚歸入茅山爲道士雖出入二氏而好談兵後入閩粵其蹤迹鮮能信者

見落花

流景忽西靡芳樹春易遷落花與白髮不得相周旋持此汲汲心詎敢戀百年陳酒開古書其人已如煙逝者勿復見但爲飲者憐

朱太侔字冲陽崑山人有山居樂集

詩話冲陽讀書好古得詹真人法筴在辛諸乾乙樂與之游直以師事問飛升黃白之術卽此曰外道也住江都瓊花觀最久不與儔類伍

示人

習靜歧儒俗山居異市廛斷蕪忘大欲辟穀想眞傳有著
成迷妄無心合聖賢瘦筇兼鶴氅隨境度流年

俞桐字秋亭長洲人

詩話秋亭以病入道隱於畫餘事成
詩取自然不求工也趙秋谷每賞之

舟行

遙望炊煙處橋陰斷玉環淡霞明到水叢樹遠疑山寂寞
三春過夷猶百里間晚來隨意泊鷗鳥共溪灣

張燦字斗垣又字斗庵號清陽子太倉人有蠹魚糧集

詩話斗垣年十六多病得養生術遂霍然因創太微
仙院徧延羽流悉心修煉好吟詠風度翩翩然不談詭
異後乃縱游三山
五嶽莫知所終

觀濤

散步平江上濤聲亦壯哉有風時捲雪無雨忽驚雷璧月
疲心轉銀河天際來魚龍眠不穩俯仰一徘徊

桃林春步

信步桃源別有天亂江深處日如年當時流水依然在不
見漁郎渡口船

楊大綸字心易自號集虛道人吳江人住棲真道院

詩話心易貌清癯飄然有塵外姿工書得歐陽率更
筆意作詩出語微妙自脫埃垢殆白玉蟾一流也

喜友自南來

知君不失望日斷越南舟忽見如新友歡然道舊愁溪雲
增秀靄塢竹倍清幽莫動思歸楫江頭驚白鷗

斗室

邇覺天地窄此中偏有餘讀書延古哲修己惜璠璣心與

白雲遠道偕明月虛廓然海宇外隨寓卽庭除

榮漣字三華號澗泉無錫人明陽觀道士

詩話三華瀟古簡直善畫能詩徧游名山水所至以詩筒畫筒自隨落墨人輒珍之事母孝在外得珍玩良藥悉藏弄持以奉母倦游歸養依戀如嬰兒母歿廬墓不復出邑土共往迎漣築室錫山之巔以居漣繫池其中繞麓植梅花名所居亭曰香雪杜雲川太史與漣及僧天鈞結世外交號九峯三逸廬墓旣歸卽用杜太史見招出山詩韻奉謝

魂夢依然在碧山淚痕終日染衣斑
荒荒宿草依霜露故
故白雲遲往還雙槩竭來煙水畔一莊歸到竹梧間
浣花
有約能偕隱參得浮生是轉關

李惠源字衡山江都人

詩話衡山有詩癖遇人輒言詩往往取憎居宜陵鎮結庵養母題曰陳社與布衣姜尙遠沈大修姜紳日吟詠其中名

東社詩鈔

春日東社詩成述懷

敢向喬林借一枝天容卑隱亦吾私桑抽嫩葉蠶嬖早巢
壘香泥燕子遲每向東鄰分杏火不隨楚客詠江離年來
長物家何有一甕村醪兩袖詩

太平歲月紀羲軒人坐東風淑氣溫老去更知書味好閒
來方覺布衣尊山光著意青依屋溪水何心綠到門報答
春暉無一事年年花下共開樽

曹峻字維岳無錫人主泰伯廟

歸梅村

九峯蒼翠逼眉端楚水吳山此日還遙望梅村深樹裏白
雲依舊鎖松關

樊太復字初陽號雲林無錫人主元升壇有初陽詩稿

詩話康熙間王海文殿撰致政家居日與初陽及南
禪迅帆和尚唱和嘗倩吳門陳必大圖爲卷取孟襄
陽雲林頗同
調句名圖

戲題妙峯庵石壁

一杖曾攜到酒泉近來偏只伴枯禪明朝準向蘭陵去花
霧濛濛穩醉眠

酬髯翁寄懷韻

兀坐書窗最寂寥忽聞天外度瓊簫誰將三寸生花筆自
寫新詩一葉蕉

水上善字秋白吳山道士有高隱山樓詩鈔

訪洞霄宮

欲訪飛仙迹閒來叩石扉燒丹遺竈冷搗藥夜禽飛
志揭乃孫眞古洞何年闢高人不可希相逢多道侶指點采樵
人遺迹

歸

洞口夕陽多長松帶綠蘿荒碑迷醉眼欹路界殘莎修竹
迎風笑清流春碓過幾能重到此幽興復如何

讀沈道初鍊師詩藁

醉後簾垂人寂靜夢餘香裊意蕭騷新詩莫與他人讀只
恐西泠紙價高

蔡敬一字小誕自號胡盧道人仁和紫虛道院道士

金露香徐蕙唐過訪不值留詩次韻奉答

南嶽歸來日未斜洞門寂寂鎖煙霞喚回鶴夢三千歲手
種碧桃剛著花

黃鶴字含山一字青霞烏程人吳山元妙觀道士有雲
壚山房詩集

詩話青霞清癯鶴立後以病風跛一足自號跛道人
幼居龍虎山中年始還杭州通曉科儀符籙尤溺於
詩賦登詞至百首述其鄉創蠶器具時侯晴雨宜忌
甚詳善飲工畫蘭竹兼通莊老之學吳山書肆有褚
伯秀南華經義海簫微力不能購假歸手錄竟一百
六卷所居遭吳回之變生平撰述蕩爲灰燼晚年謀
蒙自給卒以窮死法裔仰青嶼
爲刻燼餘藁亦其鱗爪而已

題顧萊厓山居讀書圖

讀書飲酒居名山何物更入胸懷間奇書萬卷酒萬斛義
皇以上同其閒豈無野老共吟嘯每與魚鳥相往還萊厓
先生嗜書史非聖所著終不取靜掩柴扉木榻穿道人之
意亦如此浮雲舒卷流水清別有天地移人情一編獨坐
太古寂但聞謖謖松風鳴

雲墟山房納涼同胡葑塘作

雲生水面晴疑雨風落松梢夏亦寒一片蟬聲無覓處教

君數盡碧琅玕

雪霽呈助教先生

隔林桂館隱翹企
曉光微笛弄梅初
綻琴彈雪正飛
著書窺妙理問字
露元機腳疾時能
愈來尋叩石扉

周道昱字靜涵烏程廣惠宮道士有補閒吟草

秋日行谿上

常愛谿灣轉竹林
了無塵事礙幽尋
隨身賸有紅藤杖
作伴依然綠綺琴
孤鶴自梳雲外翮
小鷗不改夢中心
如何一片清寒地
裝點東籬十萬金

郭長彬字去勝平湖人松塵道院道士

詩話去勝年十三入道訪道名山蹤迹徧天下至京師棲白鶴道院院爲邱長春蟬蛻之所去勝起道場於院中四十餘日將滿忽易新衣巾沐浴焚香端坐而逝京江張文貞題其龕曰長春接軌後弟子孫楚

鶴迎龕南歸敗之顏色如
生仍葬於松塵道院後

憶松塵山房舊居

門外春流碧一灣棲真會此掩雙關十年悔插紅塵腳安
得身騎白鶴還

陳嘉宣字戴墨仁和人吳山重陽庵道士

山居

黃木爲冠葛作衣淡然無欲是元機茂林深處人來少獨
掩柴關坐翠微

楊通幽字懷冰號鐵鑑吳江人有溪山鶴唳集

山居

倚杖衡門下遐觀意在茲暮山銜落日微雨滴疏籬市遠
僅歸晚溪深客渡遲奔波名利者此樂幾曾知

惜春

魯戈莫挽東皇轍春恨如塵心似雪韶光冉冉若爲留枝
頭唳破倉庚舌

劉宗玉吳山中興觀道士

湖上春興

今朝卻喜上已又來湖舫高歌彷彿蘭亭景象不開口笑
如何

吳人逸字古愚一字九閎號侗民海鹽城隍廟道士有
存邊軒吟藁

歲朝與任言九坐雪偶成

梅花雪後鬪新妝點綴山家舊草堂卻喜閉門無俗謁三
升椒酒一鑪香

雨中游雲林諸名勝

昧旦尋靈鷲山雲鬱不開一蓑衝密雨萬壑響奔雷人影穿林出江聲入寺來祇因紆磴滑遲我陟香臺

夏時字白巖號葆真海鹽斗南山房道士有癡吟

庚午初秋有鶴來集庭梧賦詩以誌

碧海三山路幾灣秋風相引到人間聽經亦解跼躔舞影落高梧月滿關

元裳縞羽度雲端清唳時聞警露寒塵世應知難住久晚風留得佩珊珊

尤西堂太史讌集楫青亭分韻

城南結隱構池亭山色遙分郭外青才子逼真天語重文章巧奪化工靈陶情詩酒來今雨嘯傲林泉聚客星我亦

煙霞游寄者輪君高枕狎鷗汀

唐觀復字靜公號敘庵海鹽棲真觀道士

次慧清上人漫興詩韻

春風瑤草徧芳畦蘭若應來上士棲點屐蒼苔緣石磴營
巢紫燕啄香泥汲泉供佛瓶光合揮塵譚禪錫影齊丈室
慈顏如寶月夜深同照法輪西

竹裏柴扉靜不封瞿曇向此息芳蹤三竿紅日搖春殿萬
里寒潮和曉鐘繞徑茶花飛蛟蝶環池松影卧蛟龍吟來
金偈憑誰問有客穿霞度紫筇

夏霖字惠霖號蘭舫海鹽桐柏山房道士

送羅蘿村

坤還會稽

閒庭臘月梅試花花前酌酒君還家與君本是同心友此

日如何別海涯輕裘遙念寒衣薄黃金散盡呼盧博不辭
風雪掉頭歸馬蹶得得垂行橐此去高堂樂未央一杯介
壽稱椒觴悵余不共山陰棹心在蘭亭八柱旁

和吳九閔見贈詩

一夕連牀話山鐘報曉時雖無鶯勸酒便有雨催詩愛石
君成癖栽花我亦癡衡門原待客相與共棲遲

春草和仰山弟韻

客在天涯念里門春來草沒舊隄痕離離細雨探花徑淡
淡輕煙放犢村別浦相思人望遠荒亭獨醉酒盈尊謝家
樂事憐兄弟昨夜池塘入夢痕

客中寒食

漫道出門好出門劇可憐禁煙寒食節疏雨杏花天有夢

思鄉里無方掃墓田
瀛洲知已在我欲寄詩篇

韓承晉字嬾隱號次林海鹽棲真觀道士有水月軒續吟

中秋喜聞

補看今宵月平分又一秋
莫言前度雨還上舊時樓
晚桂花重放新萸酒共酬者
番良會續不羨幔亭游

登鎮海塔絕頂

凌霄聳紺塔峻極鎮龍宮
拾級偕吟客憑闌溯梵公
燈光虛夜月鈴語雜春風
欲盡諸塵相都歸一望中

朱景文一名霞字瞻淇號映洲海鹽棲真觀道士

曉望

徙倚板橋東殘星落曉風
霜高人影白葉落水流紅
空谷

樵歌隱叢山客夢通晨炊煙乍起曖曖遠村中

翟翥緱字太音浙江石門人洞霄宮道士

山樓晚晴

溪邊纔過雨薄暮興何長曲徑侵流水高峯挂夕陽江明
帆影亂風定竹聲涼更有怡情處穿霞雁幾行

沈清正字默夫號一誠江南華亭人有鷗亭詩藁

詩話默夫少孤母守節撫之母兄無行誘往落伽山
禮佛將鬻於海舶母投水死母兄遁不返默夫育於
母族稍長聞共事刺血書疏祈返母骨卒得於金塘
島負歸與父合葬遂出家爲道士自號蟾陽子張文
敏爲作傳嘗游京師泰陵召入
對賜金扇筆墨默夫賦詩記之

題清風漁隱圖爲項雪村作

清溪一漁人豈是披裘客悄然倚孤舟倒影寒潭碧終日
求魚魚不得笑他用拙鉤何直心已灰頭半白達觀肯被

一絲牽何不將竿盡拋擲

留別武昌潘東柳先生

旅館消長夏論文慰索居秋風吹大別落日憶三閭天遠
獨爲客舟孤惟載書好嘗漢陽酒不釣武昌魚

喜南叟彭夫子札至

捧手知何日離憂直到今吳江春水闊蒿室暮雲深魂夢
三千里乾坤一寸心中傳尺素珍重比南金

同曹哲庭過蔡桐川適園

泛泛漁舟去桃源路未賒一雙鷗立石幾點水流花麟脯
何須擘龍團信足誇漫論滄海事小憩蔡經家

登汴城樓

匹馬西風立戍樓繁臺艮嶽剩荒邱蟬聲咽斷千林雨雁

影橫來萬里秋故井梧桐寒露落廢宮禾黍暮雲愁古今
不盡英雄淚滾滾黃河天際流

早行

沈沈箭漏月輪低向野提鞭一望迷鞍上續成殘店夢驛
邊慣聽異鄉雞寒飄露氣侵人骨暗入瓜田礙馬蹏自笑
我游方外久也來路口問東西

晤華山王踵息於青陽道院卽席限韻

當門老樹飽秋霜翠藹深深帶草堂高卧看花人獨健雄
談捫蝨客何狂百年天地詩千首萬里風煙劍一囊快矣
騷壇逢老將今朝又露舊鋒鋦

伍相國祠

春秋吳越不勝悲最是傷心伍相祠嘗膽忍人窺隙始捧

心尤物欲來時冤飛腥血鴟夷去怒激風濤白馬馳抉目
懸門何忍看臺前鹿走草離離

金鼎字丹書海鹽三元廟道士

上清宮同婁朗齋作

龍蟠虎踞擁山椒多少瓊宮姓氏標雲闕春明千樹秀雷
壇夜靜百靈朝學仙且事鈔丹籙知已相攜望碧霄觸景
會心皆自得逢人不待擬松喬

馮敬可號厯山海鹽棲真觀道士

梅花

試燈風裏送香來檐外冰花欲雪開徙倚窗前誰作伴一
輪明月上瑤臺

宋昭明字敏達號梅溪海鹽人桐柏山房道士

落梅

無端飛雪點蒼苔疑是仙人擲笛來
落盡江城春不管東風孤負豔陽才

王彰字嘉言號蘭皋吳江純陽院道士有蘭皋詩草

題畫豆玉蜀黍

雨過疏籬蟋蟀鳴夕陽西下月初生
鄉村風景秋來好一架新涼話豆棚

羅衣初卸露黃膚鼎鼎嵌成萬顆珠
最愛佳名同菽粟秋收滿斛不輸租

梁清格字書城鍾祥元佑宮道士

天台山中

雲從山中來我向雲中去雲飛不可留
欲訪藏丹處

王陽舒號春湖

詩話春湖嘗居鍾祥元祐宮寒暑一褐衣嗜酒醉
卽爲詩或贈以金帛笑不受一日竟去不知所之

留別高子

老梅傍屋側長生訣已得一陽初發動透骨露春色高子
絕羈塵今時之古人品格與梅花化作一時春開軒飲我
酒挑燈伴我吟一念成知己千秋有同心嗟予行路人肝
腸久不熱方登古蘭臺復欲探禹穴把手看梅花依依不
忍別

獨立

獨立蒼茫表凌虛成浩吟春山名士畫秋水野人心放眼
空天地雄譚笑古今松軒茶火歇素月出幽岑

惠遠謨字虛中號澹峯蘇州元妙觀道士有學吟稟

詩話澹峯與半農同族儒書道藏靡不通曉雍正初
大光明殿成敕有司選羽士中有道法者焚修其中
澹峯與焉師事婁真人命提點龍虎山乾隆中解歸
元妙觀賜道藏建閣尊奉彭芝庭尙書序其集謂詞
旨清遠無塵俗氣以之追配吳筠杜
光庭鄭遨諸公亦足以自名一家

秋日雜感

湛湛秋露滋開此簷下
葵清馥隨輕風丹心耀朝輝惜哉
未能久夕已成空枝芄芃園中草
春秋長萋萋沒我階前
蘭欺我石上芝寒霜一朝下亦復相
披離豈如南山松夭
矯挺竒姿春風與秋霜榮瘁兩不知

季秋霜露繁木落山色改
天地有蕭瑟炎暝豈長在可憐
東籬花萎落無人采無言倚霜根
芳心若有待君子審進
退所貴在時宜神龍失海水不如尺
澤鯢猛虎陷深阱豚
犬亦得欺晉人有馮婦千古所共嗤

我生若秋蓬從風任飛止入雲畏霜寒委路惡泥滓孰云
周道夸吾行多傾圯荆棘滿敝衣亂石齧雙趾狂風鬪虎
豹冷月啼山鬼君子戒口舌小人愛萋菲去去勿復言世
道已如此

高天無纖雲遙夜獨明月寒影落疏簷清光隔松葉吾生
百年內強半在離別美人阻山川咫尺不可越相思秋夜
長涼飈澈肌骨庭陰看月墮葉響聞落滴仰望空雲霄何
當奮雙翮瑤臺執素手徘徊終此夕

立秋

草木欲搖落翛然天地清林塘消暑氣礎杵動秋聲葉不
因風墮蟲知應節鳴晚涼庭院靜新月傍簷明

鄧尉觀梅用商邱宋撫軍韻

北山集卷之二十三
十三
千樹渾如雪無花可並香低迴松下徑斜掩竹間房蕊密
春寒勁枝空夜月光還元高閣望勝絕是漁洋
問訊雲山路言尋石壁花數枝寒寂歷萬木凍槎枒砌下
湖波洶巖前野雀譁精藍蕪廢盡猶自發奇葩
最愛紫藤塢蒼松翠柏閒人家倚磳礪鳥語送綿蠻清興
爲花發餘香拂袖還一枝斜插鬢應笑傍衰顏

龍虎山歸次答周晚香樓字韻

千里雲山一櫂收西風拂而早知秋望迴彭蠡煙初合路
入巖灘境轉幽世味可能成腐鼠海槎終擬問牽牛松窗
落月微明夜夢繞神山十二樓

重到山中悵然感舊次壁間韻

故人松竹間初盟流水行雲笑此生解語老猿曾識面試

飛雛鶴未知名銀箋剩有牢愁句玉笛偏多感舊聲振翮
凌風吾已倦漫勞九萬說鵬程

夜占

明月入小窗竹影畫几席誰家人未眠聲聲送長笛
燈花落夜闌寒影動虛壁謾謾松間風鳴濤伴幽寂

題畫

抱甕城南學灌畦綠蓑黃犢草萋萋一鞭殘照柴門底又
見前村月滿溪

身是田間稼穡民數家茅屋自成鄰但知牛背一犁雨不
識馬蹏十丈塵

施遠恩字魯瞻法名冲暉仁和人吳山長生房道士有
環山房詩鈔

詩話魯瞻雍正壬子應選詣京師侍光明殿妙正眞
人左右世宗賜題賦詩稱旨授龍虎山提點十餘
年歸故山與鄭板橋侯夷門周樊榭杭大宗吳西林
諸名流酬唱乾隆乙巳夏大旱登壇祈雨甘霖三日
後屢禱輒驗
丁亥冬羽化

秋興

愁破方知酒有功酒杯盡日不教空飄蕭敗葉千山雨零
亂寒花一徑風小摘晚菰含露碧試嘗新橘帶霜紅閒中
自有消閒趣底事磯邊理釣筒

龍虎山早秋

上清苑木記深幽老桂婆娑報早秋露冷草蟲鳴四壁月
明桐葉墜層樓雷壇樹色當窗出丹井泉香繞石流林壑
寂寥龍虎伏巖前惟見紫雲浮

老桂行

階前雙桂高百尺勢凌霄漢根盤石露染鵝黃一片秋枝
頭簇簇團香雪不隨桃李鬪春工玉綴玲瓏蔭瑤席花時
供我日日吟剝啄尋香有來客一從訪道西江游夢繞吳
山悵睽隔忽忽煙霜十六更樹影健在人非昔去秋賦歸
來喜見舊標格花鰕粒粒金葉展重重碧一樽濃醪醉花
神與爾周旋仍日夕桂兮桂兮誓將相守不相離老向山
中甘遁迹

老樸行

環山百年樹其名曰沙樸婆娑煙雨姿分蔭到鄰屋具茲
干霄材應入工師目託根不得地遠棄在南服繩尺恐難
施擁腫更蜷曲鳴鵲巢其巔螻蟻穴其腹生意良已盡雨
露非不渥未充梁棟選頗避斧斤刷安知終天年非以不

材福至哉莊生言甯甘老荒谷

山居卽事

秋聲動巖壑爽氣滿柴關紅葉高低樹白雲遠近山肩因
長病聳髮爲苦吟斑寵辱渾閒事浮名似可刪

大光明殿步虛詞

巍巍金闕聳瑤天羽蓋朱輪滿大千慚愧野人樗散甚侍
香親到至尊前

誦徹琅函玉笈文月華如水夜初分琉璃世界通明殿香
氣蒸成五色雲

五銖衣覆九霞囊上界頒來十賚文何處飛翔雙白鶴夜
深還拜玉晨君

洞闕玲瓏網戶開金蚪導我玉京回道人報國無他願只

祝風調雨順來

張雲龍字出淵號石礪吳縣人斗壇道士

晚眺

霽煙稍盡見斜曛極目長空似錦文紺碧縹黃看不盡一重天間一重雲

畫蘭

此是幽貞第一花不儕桃李只雲霞采香或可通來徑更寫春山一片遮

陸自逸字含虛號蘋渚崑山人穹窿山道士

曉登鍾吾絕頂

石徑捫蘿葛來登千仞巔鐘聲催海日帆影破湖煙遠岫雲端列殘星樹杪懸長歌歸院客雞犬下方傳

蒼塢晚眺

古藤垂峭壁坐久煙嵐滴野寺隔林鐘夕陽牛背笛

賀炳字松庵自號雲濤散人德清人海鹽東嶽廟道士

有拾古吟月軒存橐南村草堂集杖藜集

詩話松庵本名家子隱於黃冠以琴書自娛吟詠不輟或請丹鼎之術師曰吾解塵網住此惟意所適不知拘束若參元坐功是解一縛增一縛也

訪褚敏元不遇

不見神化象翻憐浪子游山光銜曉月雲影卷江樓殿角
鐘鳴午林邊葉報秋孤帆天際出或恐是歸舟

陸宣公故宅

松竹繁陰處蕭條野老家蠶房懸夜月蛛網吸朝霞苔滑
雲根亂檐疏燕子斜人傳內相府風雨泣黃麻

登金陵報恩塔

去國山河在登高入望新只今煙樹色無復舊時春

雲岫山漫興

翠岫排雲出支筇絕頂看樹深山寺遠泉咽石林寒草近
秋逾碧楓兼霜更丹不生搖落感但覺此心寬

王衡字湘草號鶴巢嘉興人居靈觀道院有湘草詩藁

詩話湘草工詩文善書嘗募湘中山水構軒曰吾山
清響張徵君庚繪圖一時諸名士俱爲題詠錢東麓
侍郎稱禾中方
外無出其右者

送春

麗日紅霞爛錦茵濃和花氣欲熏人聲聲鶗鴂催歸急止
賸今朝一日春

春日幽居書事

野岸橫橋是我家疏枝牆角老梅遮貧時過午方炊飯倦
到拋書且灌花水長菰蒲藏睡鳴草深階砌出鳴蛙身閒
自喜渾無事一枕羲皇日未斜

黃寬字鶴堂番禺人住羅浮冲虛觀有自然堂遺詩

詩話鶴堂清修謹嚴不泥於服金辟穀惟寢饋於詩
陳元孝王紫詮深相推挹嘗親送入羅浮冲虛觀爲
四百名峯主所著自然堂詩粹行垂二百年經亂無
存其裔孫植生上舍於粵中故家訪得鈔本以重金
購歸未及校刊遽歿
子文藻重刻行世

寄友人

早春同一別盡日掩柴門好句有時得窮愁無復言曉遲
江上棹夜宿月明村未必不相憶往來勞夢魂

鳴謙堂雅集聽友人彈琴

我心寄山水何處憶高人不覺虛堂上元音倍入神澤龍

吟正歇巢鶴倦方伸物理通幽意相期若比鄰

上元日集草屨菴望大通寺東鏡波上人

不爭綺陌逐飛塵雲水偏留此日身
隻履何年遺故蹟一鐙彼岸憶傳人
青消煙雨蘋非遠綠泛溪橋柳漸勻
願我倦吟歸尙早欲將片舸問前因

夏日集五松堂觀鄰寺菩提樹影

靈根千載憶傳鐙片影移來暑化冰
說有還無終不著似空無色亦何憑
牆東席地分吟客樹下蒲團入定僧
留得濃陰長落此青松白石卽良朋

擬築別業先柬陳元孝先生

花滿名山漸漸陰久拌生計任浮沈
一樽美酒供清夜幾度疏風寄短吟
身隱已忘天子貴交疏總得故人心
誰云

興盡山陰道共紀桃源歲月深

董白字守素青城道士

賞菊和查心穀韻

一弓書屋十分秋聞道羣賢逸興悠共賦新詩花假寵更
斟佳醞客消愁幽姿帶露重陽近爽氣浮香幾日留笑我
九還丹未就金英滿地若爲酬

貝本恆字常吉淮陽人餘杭洞霄宮道士

游大滌洞天和同人儒韻

沿溪傍谷尋幽去同訪棲真謁洞天瀑布白拖秋水遠層
巒青與暮霞連千村穠稔黃初熟一徑玲瓏碧自穿宮觀
傾頽歎非昔敢期重爲闢荒煙
晚晴移詩匯卷一百九十三終

晚晴縹詩匯卷一百九十四目錄

道士

李芳 三首

劉敏 二首

張士達 一首

吉潮 二首

繆鶴鳴 一首

李柱 一首

嚴克眞 一首

周望 二首

錢凝煙 一首

隋鵬 一首

曹志道 一首

張遠 一首

鍾正修 一首

俞中楷 一首

錢一清 二首

張學景 一首

王至淳 二首

劉虛靜 一首

朱福田 十一首

周曙 一首

吳浩 一首

俞體瑩 六首

張復純 一首

仰衡 五首

徐本衷 五首

陳敬 六首

潘鵬 一首

柳漁 一首

王芳洲 二首

王毓 二首

吳教一 一首

黃合初 十首

許湘 三首

趙蓮 三首

張謙 四首

王至甸 十三首

張永亮 二首

郭恩孚 二首

晚晴移詩匯卷一百九十四

道士

徐世昌

李芳字華黍號蘭谷錢塘人

詩話蘭谷初爲儒游玉龍山得道書一卷晨夕展誦遂希冲舉至洞霄宮見貝常吉鍊師遂師事焉出家隱居爐雲窩精修三十載世稱妙衷定命真人

春日久雨寄沈桐谿

屬

東風料峭鎮關心
霽雨連朝思更深
乳燕怯飛巢冷院
流鶯無語坐空林
不因翠減三分色
卻恐春過一片陰
且恨山行苔蘚滑
背關寂寞自長吟

招桐谿游天竺諸蘭若

入山深不厭勝日快
同游梵放僧歸院
歌歡客倚樓回風
撩鐸語曲水咽溪流
莫謂春將老春濃桑
更稠

憶昔東皋侶頻嗟會面稀懷人悲遠道論事覺前非我未
徇塵轍君能脫世機浮生眞幻夢行樂莫相違

劉敏字崑培號伴霞青浦人萬壽院道士

早發西塘

空江無月北風涼萬里吹秋上野航夜半櫓聲聽不斷早
潮隨雨到西塘

靜岑夢到山與余同宿俄聞風雨得句云斜風細雨
不須歸醒而作詩見贈和答

豈更勞清念悠然歟我扉跡疏翻得夢吟健卻投機草榻
留雲宿蓬窗聽雨飛無端雙劍合臨覺轉依依

張士達字德孚號芝臺海鹽人斗南山房道士有效哦

集

歲寒和紫田居士韻

閱盡芳菲歲已終
閉門如在萬山中
居心自比青松勁
題句難賡白雪工
遠岫雲迴南至日
長江風送北來鴻
梅花驛使傳春訊
莫負消寒綠酒筒

吉潮字亮初號星槎長洲人天后宮道士有一鶴堂吟草

秋夜偶成

開軒坐清夜
河漢影濛濛
涼氣鐙前雨
秋聲葉上風
觀心參物我
守拙任窮通
何限乘除事
都消一醉中

登文星閣懷二林居士

竹徑松門積翠攢
岩龕飛閣聳雲端
一聲清磬隨雲度
數點遙山捲幔看
問字客來虛講席
悟禪人去冷蒲團
蒼茫

詩思憑闌處落日歸鴉暮色寒

繆鶴鳴德清人上清宮道士

除夕

年華荏苒又殘冬雲水爲家事事慵酒債雖無詩債逼俗
情漸淡道情濃霜天一字還鄉雁煙寺三聲報曉鐘問我
金丹真口訣庵前笑指歲寒松

李柱字擎蒼號赤城海鹽人

詩話赤城工詩善醫居呂家廟徙水仙祠後入天台
山不知所終縣人張鼎中鉉與交契中鉉六十赤城
賦詩爲壽中鉉有松巖詩藁九
集編什甚富附見其名於此

十月見桃花

劉郎去後無消息暝信先從嶺上回
蹊下惜無仙李伴一枝寂寞帶霜開

嚴克真字公超號退谷海鹽人桐柏山房道士

游天台山還里

山靈笑我寸心違未結茅蓬在翠微雙闕思尋丹藥去一
肩挑得白雲歸天台道出拋游屐海國人還坐釣磯回憶
卿娘多福地塵緣終覺世情非

周望字渭徵號綸仙婁縣人有樵唱軒稟

徐稼翁移居

羨君新卜鹿門居岸幘高吟處土廬留得春風花下酒課
存秋雨案頭書軒窗岑寂心無競竹石經營意有餘惟惜
舊朋相隔遠幽懷渺渺獨傷余

送慎言弟還武陵並寄子靖南宮昆季

弱冠相逢志激昂卽今重晤鬢俱蒼側身天地容鳩杖彈

指光陰老雁行數日言旋期太短一尊道故話偏長西還
寄語諸昆弟詩酒情耽較昔狂

錢凝煙字紫山江西人上海水仙宮道士

秋燕和曹春浦韻

清秋燕子故飛飛慘淡離情語落暉我亦故山歸未得不
禁殘淚欲沾衣

隋鵬自號雲雲子諸城道士

寄趙壺石

見說高陽侶潛居一畝宮春殘楊柳月秋老蓼花風習嬾
因常健伴狂故自雄不知燕市裏買醉許誰同

曹志道字端中號寄莊秀水人成真道院道士有假鳴

集

登黃鶴樓

不見仙人黃鶴歸
白雲江上弄斜暉
誰吹玉笛闌干外
恐有梅花五月飛

張遠字行之秀水市曹廟道士

自題山水畫冊

煙嵐濃冷雨初晴
人在翠微深處行
雲氣溼衣風透骨
隔林猶聽亂泉聲

鍾正修字心求號琴臺海鹽斗南山房道士

觀泉

扶筇雨後過前川
石磴聲喧瀉澗泉
流出小橋江上去
桃花浪裏一漁船

俞中楷字方怡一字甯素號拓湖海鹽人斗南山房道士

士有星南小草

送伯兄之江南

不多聚首別思長把臂談心對夕陽此去吳江好風景山
花踏破馬蹏香

錢一清錢塘人吳山喜神廟道士

洞霄宮懷古

落日照松竹山中風氣寒我來憑弔古誰與共還丹撫掌
泉心澀舞蛟亭翠殘可憐爲圃客當日盡仙官

鄧志喜時出陳君鋟板勤

元道士鄧牧心著洞霄圖志不傳已久今四庫採輯全書得副

本本宮道士陳地靈原首望

洞霄宮在宋時爲天下宮觀之首

天柱更三

仁恩刊以行世其三在分天有八柱其一也

沒骨難尋窮無心且看雲大丹如易

與妙道不傳文

張學景字企和號元齋丹陽人居茅山宮監齋院

登積金峯

石磴半空上松濤萬壑吟偶因尋藥至不覺入雲深樹密
藏丹室泉飛挂碧岑始知仙境靜終古滌凡心

王至道字樸山住江甯隱仙庵有清涼山房詩概

詩話樸山所居隱仙菴卽陶貞白所謂陶谷有梅桂
各一傳爲六朝時物梅枯桂萎樸山亦蛻去朱欽雲
刻其詩湯雨生都督題其首云庭花半似爛樵柯舌
本留甘記穆陀猶有陽都酒家女債禪灑淚鬢雙
元眞童子亦霜髭寂寞珠簾鶴守祠落翻山頭頻
望玉臺誰傾入霞司充棟靈書脈望肥輪君游戲
榴皮桂漿芝髓無窮
味盡在清涼一卷詩

晚吟

散步平湖岸煙波浩渺中月明天在水雲斷樹浮空吹笛
驚山鹿彈琴送渚鴻時來坐幽閣孤寂與誰同

書興

重重雲樹四圍遮
心喜年來遠世華
飲酒須尋陶令宅
讀書思向鄭侯家
雨餘破屋生秋菌
風過閒塘落野花
信是幽人清興好
又隨農父話桑麻

劉虛靜緇竹人住玉京山

八月十六日自懷

夜靜虛堂寂
林深鶴自閒
風聲喧遠水
月色冷空山
獨坐長松下
悠然修竹間
紅塵心不戀
瑤島尙容攀

朱福田字樂原號嶽雲江甯人

詩話嶽雲精畫理
顏其別業日麥浪
舫與鷹巢僧爲
文字交鷹巢僧者
承恩寺方丈也
名定志善張旭草
書金陵諺云文房
之妙一僧一道姚
姬傳孫淵如王竹
嶼俱與嶽雲爲方
外交郭頻伽嘗贈
詩云解藏南朝荒
落意寒鴉爭傍孝
陵飛寒鴉卽嶽雲
句也

題自寫山水筆寄懷胡古泉

有客迢迢隔劍關
相思無計慰離顏
卻從鳥道干盤外
寫寄江南平遠山

秦淮弔古

淮水遙通江上潮
金陵王氣此中消
祖龍一鑿關何事
直遣繁華送六朝

板橋豆花莊晤馬菊村

言尋板橋路喜過
豆花村老屋恰臨
水故人方倚門欣
然具雞黍相與論
田園何日南山下
同君避市喧

喜晤棲碧上人

與師一別三年久
忽地相逢賀監家
我自夜深扶病骨
忍寒同對白桃花

宿鍾山白雲菴

晴看日向海中出雨覺雲從足底生
喚起江城六朝夢天風吹下木魚聲

早春山齋卽事

山齋兀坐久忘機鎮日閒吟客到稀
花氣一林初過雨春寒二月轉添衣
浴波水鳥破煙立斷縷風鳶掠地飛
目極平原芳草色東風綠徧釣魚磯

游雨花臺過武南岡處士別業留贈

空臺寂寞久日日滿殘陽不見雨
花迹時聞叢桂香岡頭望深竹
幽處有茅堂長揖就處士別來顏鬢蒼

松寥閣海峯上人招飲同弢菴

斜陽虛閣敞松寥閣下寒江萬里潮
山木葉稀蒼鼠竄海

門聲起大魚驕百年幾度雙丸速一棧閒愁萬古消安得
此間容我隱滄洲無事狎漁樵

十一月十五日夜鳩江桃唐隄上獨步

桃唐煙水正迷離幾處亭臺入畫時岸上誰家夜吹笛一
輪明月照鳩茲

題楊體之明府擔稻圖

寸田可治生一粒固爲寶苟能悟其微仙聖域皆造先生
舊宰官現身自擔稻治民如治田借稻以喻道一發聖經
蘊閒復窮釋老使有二頃田退耕固爲好願抱經緯才催
科甘下考蒼生待作霖日望卸肩早

時因事
罷官

秋暮楊體之明府過麥浪舫雨中盤桓三日

清白子孫強項令罷官來叩野人居閉門三日蕭蕭雨黃

葉林中讀道書

周曙字聞曦號松隱住仙源道院

贈聖因上人

卽此隔人世何須更買山猶嫌雲水競獨自閉寒關鐘響空明外鶯囀杳靄間毒龍思聽法隱約出溪灣

吳浩字拙存元和人

月夜彈琴憶汪一江

有懷不可見秋陰生茅茨坐久見明月如與幽人期寫我琴中意訴彼明月知夜半松泉落泠然天風吹

俞體瑩字鍾吾號萍舟蘇州穹窿山道士有萍州剩草

紅梅

不羨隋宮翦綵枝丹砂變盡雪霜姿羅浮彷彿桃源境驢

背詩人知未知

虎邱懷古

花宮幽處闔閭墳過客登臨日半曛寶氣久消金虎穴雄
圖空練水犀軍苔寒古甃深千尺春老青山又十分惟有
高情王短簿荒祠岑寂倚閒雲

宿棲霞嶺金鼓洞贈蔡尊師

石洞最幽寂從師養靜根清閒十二月道德五千言雲巖
長依岫泉流自到門山房客信宿元理共探論

山觀卽事

落日空林散紫煙滿階瑤草碧芊芊夢回虛閣雲侵榻詩
和高僧鶴寄箋列岫當窗開畫嶂雙流合澗奏冰絃凭欄
極目層巒外采藥餘風未渺然

送陳靜巖師入都

空山無計挽君留
高挂雲帆薊北游
明日春寒江上路
滿天風雨一扁舟

豫讓

知遇恩深一死輕
擊衣濺血足心驚
龍門取合荆軻傳
孤負千秋義士名

張復純字健修號巢雲杭州金鼓洞道士

詩話巢雲於嘉慶丙寅就院左開歸雲洞一時文士賦詩題名既復與朱朗齋商訂金鼓洞志刻行亦羽流之風雅好事者也

乙丑十月望前一日同人小集賦詩

古洞何年鑿吾家
幾葉傳招來雲外侶
都是酒中仙
清興殊無敵
清詩會有緣
遲遲下山去
谷鳥破輕煙

仰衡號青嶼杭州元妙觀道士有蕉葉山房吟草

思天台歌

思天台巍巍高矗四萬八千丈直接青天何高哉氣象磅礴傾五嶽煙雲縹緲連蓬萊巖坳澗曲著我一茅舍吾將絕俗長往嘯詠而徘徊跨石梁之天矯睨瀑布之喧阗但見疊翠層青遠近相拱揖奔虹走雪高下爭流急瓊臺斜通雙闕道瑤峯遠映赤城色夜半天雞鳴滄溟日欲出光芒萬縷朝曦升頽然一醉扶桑霽山中勝狀難窮搜仙之居兮神之游司馬一去已千載瞻白雲兮心悠悠人間不覺羲娥迅靈境千年纔一瞬君看劉阮出桃源世運幾番更正閨王京有洞迷荒榛中藏日月秋復春石扉訇以乍啟仙都迴以無垠紫鸞吹笙元鶴舞銀堂瑤室多宮府神

苗異藥葱蒨連隴畦人家花竹相望成村塢願向眞官乞
取閒田圃灌木耘芝終此土遐游物表以忘情出入有無
一今古我思天台心魂勞往往飛夢凌霞標何當踐莓苔
援蘿葛一瓢一杖手自操探幽訪邃窮嶢嶢

冬日偕王鳳鶴登鳳凰山訪勝果寺展眺山頂探嶺

峪諸勝而歸分韻得棲字

世網苦自縛勝事恒多曠幸茲及冬暝欣與朋儔攜汗漫
何所之言指城南谿寒暉照霜岫曉風猶含淒興來詎怯
遠縱步凌丹梯逕盤木末出下臨飛鳥低回環眾峯合中
隱一招提倚巖結危構崕岼干雲霓壽藤走長蛇怪石蹲
勇貌古刻蝕苔蘚欲讀奚由稽絕頂得快意刮目開金鑊
江流浩東注湖水橫其西遠舟競蕩漾泛泛如鳬鷺俯仰

盡八極顧我真醯雞嶺雲轉深奧樹莢雜叮哇樵唱互響
答花木多幽蹊行行徧搜探得得杖一藜但嫌腰腳弱勝
處莫窮躋悵焉覓歸路回首蒼煙迷終應結茅宇深託巖
巒樓

冬日返語溪舟中卽景

水落清溪一棹過西風楊柳盡婆娑野禽飛去斜陽外惟
有寒煙衰草多

幾點棲鴉綴老桑數叢枯葦映寒塘一年又是冬將盡風
送孤帆到女陽

語溪古有女陽亭

首夏諸客見過山房次項丈秋子韻

從教庭草翠如葱閉戶惟依一畝宮池水乍添魚意樂林
深未密鳥聲通茶煙著竹成輕靄琴響和雲入遠空喜得

聯翩詞客至好追蓮社結山中

徐本衷號虛廬崇甯人成都武侯祠道士有香葉亭詩

集

詩話虛廬五歲失母父廷傑從軍金川乃捨爲道士
穎悟好讀書不數年同祠事祠當修葺次第畢舉金
川平廷傑還里虛廬迎父灌縣賦詩曰邾下翻無語
尊前淚轉多亂離漸菽水魂夢繞關河餘戀春暉報
歡聞奏凱歌間居問何處遙指
是煙蘿迎歸道院色養甚篤

由都江堰至上元宮

一徑穿雲去松間鶴自翔小橋支古木敝屋隱崇岡樵斧

丁丁鑿山花細細香仙都看不遠晴翠染衣裳

由石脾鋪至常道觀

十里入雲峯步步超塵表松桂似幽人空谷環相繞
略約駕危巖小憩入遐想不聞人語聲萬壑松濤響

初夏過友人新居

愛閒此物最怡情
竹屋繩牀午睡清
除卻酒瓢無長物
滿簾新綠雨初晴

將抵灌口場口占

沿溪幽徑曲雨止訝新晴
石峭雲猶住峯回路忽平
牧童驅犢飲老樹集鴉鳴
遙望人煙集逢場酒已傾

陳敬字月坡海鹽人斗南山房道士有餐玉廬詩存

秋感

大地風霜催歲暮
碧天星斗淡涼宵
千家碓杵聲哀怨
一室篝燈影寂寥
壁下吟蟲何唧唧
櫺中鳴馬更蕭蕭
遙知長勝幽燕將偃月
榆林正射雕

海國孤城夕照殘
獨依牛斗望長安
亂山落木秋聲靜
細

雨疏鏗客夢寒天地蒼茫離思迫關河遼闊寄書難請看
梧竹棲鸞日高舉淩雲振羽翰

萬家水闊送朝涼竟日城樓望大荒煙外月生全海白沙
場日落半天黃陸機早歲能工賦阮籍窮途更放狂惟逐
少陵徒結納掩關誰肯聚螢囊

枉說魚鹽富東海頻年水旱少豐登民勞土瘠艱禾稼野
廓城荒蔓葛藤燐火幾家山鬼語颶風永夜海蛟騰江亭
蕭瑟聞哀雁昂首高吟曲檻憑

浪跡乾坤一馬鞭丈夫意氣畏人憐猿聲朗嘯千山月鴻
影孤飛萬里天陳旆蘇秦方發憤題橋司馬未昇仙振衣
直上高邱望吳越川原起暮煙

夜坐

涼風生海國萬樹動秋聲野闊星垂地潮平月上城窮通
知有命貧賤恐無名且學歐陽子攜書就短檠

潘鴻號雲谷秀水翔雲觀道士有來雲閣小棗

嘉興道中

澤國春陰重掀篷縱遠眸煙籠三塔寺雲罨百花洲出世
空成願勞生尙未休試看青草岸閒極有沙鷗

柳漁字一琴號涵虛海鹽人斗南山房道士有一琴詩

鈔

山行

雨後秋山翠滿坡行行翹首望嵯峨斜通綫路人蹤少饑
下巉巖虎跡多萬樹聲乾黃葉墮一筇影曳白雲過天將
薄暝思投宿喜聽歸樵隔水歌

王芳洲字篁村德清人吳山清秀山房道士有松山鄉人詩草

醉歌

夷齊死於名跼蹐死於利一笑古來人多爲名利繫古人已矣醉埃塵不如飲酒全吾真酒酣夢入醉鄉去忽復撈月滄江濱覺來不問此何日一聲長嘯通天津

謝文節公號鐘琴歌爲吳素江明經作

信州兵敗公潛蹤隨身長物惟號鐘垂簾卜肆一再鼓驚猿唳鶴淒心胸東山桐西山梓發露精誠聲變徵幾時流轉入燕京跣足麻衣抱琴死滄桑變易五百年斷絲枯木若爲傳自來神物久必顯豈肯滅沒隨秋煙吳君嗜古兼尙義銘刻摩挲疊山字解囊壞漆鬱蒼涼斑斑盡是遺民

淚遺民淚竭東海枯冬青樹老嘯哀烏請彈丞相松風曲
再訪閩中何氏園

王毓字夢池蘇州人藏書廟道士

山居雜詠

隨分棲遲十畝宮此身幸喜免飄蓬醉醒久已聞漁父得
失終期學塞翁肯使壯心慚刻鵠慢將清興託雕蟲世機
祇覺從茲息坐對秋山落照紅

茅檐習靜坐高春仗酒澆平磊塊胸終日守株甯待兔三
年學技笑屠龍閒愁似草經霜減野興如花著雨濃試上
山頭尋故事讀書臺畔暮雲封

吳教一字秋舫杭州金鼓洞道士

晚春

且向煙霞寄此身一瓢一盞許相親柴門花落餘殘夢草閣雲深滯晚春差喜地偏心更遠儘教時過局翻新年來自笑生涯足滿砌苔錢孰道貧

黃合初字超然成都武侯祠道士有聽鷗館詩鈔

詩話超然善琴能詩嘗於所居隔葉聽鷗之館與嚴麗生舍人潘紫垣孝廉仿虎溪故事結社唱和晚游峨眉羽化紫芝洞

飛雲洞

路入東坡道玲瓏古洞幽雲飛山欲動雨過瀑爭流峭石撐孤閣蒼松倚小樓文成遺碣在讀罷暮煙浮

諸葛洞

滿耳灘聲吼輕舟不可留爲收諸葛米來拜武鄉侯洞古千年雪林深五月秋此間結廬住補種竹清修

龍馬潭

訪勝逢遲日春風拂面生
浮舟經古渡倚樹聽流鶯
地僻人蹤少雲深石徑平
仙源何處是一水繞蓬瀛

丈人觀

萬山環繞白雲封
古樹盤空鳥道叢
我叩仙壇情晝寂
倚闌時聽一聲鐘

由上元宮之趙公山訪丈人村

雲煙面面出層巒
結伴尋幽叩石壇
水送桃花溪幾曲
苔封石室路千盤
未逢常偓心先醉
欲仿荆關下筆難
咫尺會須凌絕頂
相逢一笑海天寬

泰清宮觀雲氣烹茶放歌

泰清仙界雲輪囷
羣峯晃蕩懸無垠
呼朋拂袖厯磴上
萬

象一白迷鴟鈞麻姑池畔鶯鶯井泉香而冽收修綆攜來
古鼎試烹茶雀舌乳花泛清影我亦自信有仙緣幾番杖
策來層巔餐霞吸露潤詩腑吟破白雲枕石眠挂瓢久熟
胡麻飯食之能令筋骨健五體清涼百病除何須八石經
時鍊白雲澗內白雲深雲靜天青澗壑沈茶罷天風吹颯
颯好聽松梢萬葉吟

灌口場望迎仙閣

已近迎仙閣難猶闕石鳴停琴招白鶴回首望青城雲護
岸難數山空雪有聲重來學觀化萬物盡浮生

入山

半日裁眉道扶筇意灑然片雲飛絕壁夜雨長流泉偶憩
三生石來探小洞天疏鐘何處發餘韻裊裊林煙

春日過萬里橋

萬里橋邊路春來幾度過柳陰新水活雲意遶山多幻質
非金石閒情寄薜蘿偶逢江上侶招我著漁蓑

贈琴吟

戊子秋斲琴二一日響雪一日流泉響雪留
紫陽洞流泉贈潘紫垣孝廉酬纂志之勞並
繫長句

我有空山侶響雪與流泉相隨經一載何處尋成連君是
河陽辭賦手奇書滿架無不有況擅史筆稱三長文獻徵
搜志不朽漢家陵廟武鄉祠蜀志遺文時見之典章金石
詳考訂非君博雅其誰爲羽流何幸附驥尾一脈薪傳繼
遺軌小草藥物收籠中下里之詞慚眾美書成直欲駕前
賢蜀中快覩珍珠船祠堂永作瑯嬛笈頓教紙貴鈔流傳
愧乏瓊琚何以報流泉好奏高山操安雅堂中持贈君君

應對此欣然笑芙蓉開處試一彈行看花縣廣同調

許湘字蕭客嘉善瓶山道士有翠竹山房詩集

瓶山

瓶山雖小山寄跡聊高吟清風徐徐來一枕長松林有時
北窗下悠然復鳴琴惜無鍾期遇奏此流水音怪哉襍穢
客溽暑猶招尋不知靜者意有傲羲皇心流光亦何速綠
樹皆成陰寄言林宗子就我來登臨

十月十日與頻伽丹叔退庵霽青諸君馴鹿莊看菊
城中二郭頗閒放騷壇久已推飛將今晨一紙偶然來約
我清游共酬唱小舟低著六幅篷打槳竟過東城東水花
濺衣鳬鳴亂一篙刺入蘆花中晚來捨舟急登岸寒花正
值開其半主人好事正候客籬角柴門啟一扇欣然置酒

命開筵揮毫覓句爭留連待得明春好風月再賞梅花歌
白雪

重陽

年華彈指又重陽此日登臨興倍長風急雁行頻聚散霜
高樹色雜青黃林閒夕照明如畫籬下幽花晚更香幾度
闌干憑眺望暮雲秋景太蒼蒼

趙蓮字淩洲平湖人海鹽棲真觀道士有畫梅廬吟藁

詩話淩洲爲華齋十六世孫善畫墨梅張叔未贈以
詩有句云向曲詩情張伯雨雲溪畫意趙王孫詩藁
未刻僅有傳鈔本

過富香吏茂才

開益

村舍

村舍擬柴桑門臨碌碌場野花人不識山果鳥先嘗琴韻
隨流水書聲出短牆渾忘茶話久歸路滿斜陽

孟夏訪香吏不值用皎然訪陸鴻漸韻

蒼然天欲暮一路見桑麻密樹藏棲鳥空潭聚落花問奇
頻載酒獨往竟忘家叩戶無人應柴門傍水斜

山中春暮

澗草巖花入望齊綠陰濃壓畫簷低道人終日靜無事高
枕白雲聽鳥哢

張謙字地山號雲槎海鹽人桐柏山房道士有補梅居

士詩選

詩話海鹽顯佑宮桐柏山房道士自明隆萬間徐月
江秋沙吳沈修兩峯黃思石竹樓諸人與邑中士大
夫結詩社往還酬唱流風甚遠至乾隆嘉慶之際尚
有以詩鳴者雲槎與趙浚洲繼之各有詩集雲槎又
輯歷朝道家詩紀五十卷搜採甚富幾出禪藻集之
右年復老壽至咸豐中尚存弟子馮水香傳其琴朱
文江傳其詩畫鄭
素庵傳其篆刻

述懷

一粟乾坤泡影微
蒼松翠竹自相依
冰霜寒甚無椒酒
刀尺聲催尙葛衣
小有才華非至理
絕無聞見是元機
古今不少高賢傳
畢竟柴桑似者稀

西水驛

停橈西水驛
擊柝已三更
野闊詩懷壯
天寒酒力輕
雁聲驚別夢
月色鑒離情
江上多漁唱
征人睡未成

高士湖

涼風瑟瑟起
菰蒲九十九
峯青此湖高
士不來
鶴飛去
沙隄賸有月輪孤

過友人舊宅

舊板橋邊處
士家三間老屋
自敲斜野風
忽送香過澗
開

徧牆陰記字花

王至甸號徙南靜甯人

詩話徙南故諸生工琴
能詩年二十棄家入道

畫梅一枝題贈潘恂九還巴陵

秋風滿襟袖歸棹洞庭陰一醉寫疏影歲寒盟此心

雜錄道藏因以自嘲

五千言亦歸無極三十年來訪太初今日定教蠹魚笑又
繙綠字寫仙書

過惠陽花隱洲

曲曲林亭澹澹春水聲花影四無鄰明年石上尋鴻爪誰
識元都舊道人

秦淮秋感

翩翩野鶴無歸處五嶽雲煙腳底生飛落江南人不識春潮猶打石頭城

劫後樓臺感不勝卅年如夢數中興紅橋西去垂楊老照盡滄桑幾處鐙

舊院風流尙管絃黃冠雲水亦華顛卧吹橫笛淮波晚一舸重來自在眠

江花暮合水煙疏門繞青溪認舊居醉眼迢迢凝望久夕陽多是六朝餘

水雲亭

爽氣忽無際水雲如許青松高蔭蘿幄塔遶戛風鈴

將往金陵留別鄂中諸友

虛舟原不繫來去只隨緣惜此苔岑好要之金石堅東風

白門柳斜日漢陽船一別情何極相思鼓七絃

種松圖陳雪盦屬題

雪盦先生今之豪鬚眉奇古聲價高一枝鐵筆軼斯相貧
老但愛聽松濤清風明月不須買突兀雙龍知幾載自言
手種向空山一醉松陰化雲海虬枝壓檐青復青毛公服
松能變形他年袖石乞篆刻荷鋪還從掘茯苓

趙季和刻青田石章見贈時將歸蜀因爲詩以報之
法古以神不以跡趙君篆入斯冰室十年懸腕如撥鐙一
刀鑿透青田石翩翩野鶴初飛回脫手贈我疑瓊瑰自嫌
雕刻壯夫恥筆力眞可回雲雷文三橋王山麓當年此技
稱絕工江山跌宕有寒餓而君莫歎相如窮敍州風雅州
雨臨邛壚頭酒如乳還家一醉對文君卻勝黃冠作羈旅

此別重逢復幾年相看黯黯俱華顚
儻思老朽詩情苦乞與巴東十萬賸

贈友人馮集梧

春風吹我過君家門外人驚三朵花
一笑不知誰醉醒相攜重與數年華
松窗對酒聽新雨蠟屐尋山入晚霞
擬抱青琴鼓招隱知君久已厭箏琶

秋夜讀道藏有作

探得元珠道眼醒庚申空守只勞形
忽然虛室夜生白自詫靈臺火養青
大月危樓堪獨嘯天風高笛落殘星
無人解我還丹訣試取微吟記畫屏

張永亮字恆齋成都二仙庵道士有來鶴亭詩藁

秋江晚步

明倫彙編 家範典 一
緩步秋江十里隄閒吟古寺夕陽西同人共酌黃花酒谷口寒鴉傍晚呢

谿柳

迴迴山光接煙迷柳一谿臨風誰弄笛喜雨自聽鷗樵斧隔深谷漁舟繫短隄顰眉送行客不盡夕陽西

郭恩字字伯尹號蓉汀濰縣人有果園詩鈔

詩話蓉汀本太學生辛亥後棄家爲道士遂以黃冠終

次陶先生以自題王廉生祭酒遺墨見示敬賦長句
無爲齋牆土花碧悲風颯颯響通夕壁耶淚耶不可知白頭老儒對鐙泣金荃蘭畹楚臣騷丹鳳城中鬼夜號翠華西幸華山高孤臣之魂安足招

郊行和蔡大令三晉韻

沙漠窮荒地春光也自妍花明新戍壘人闢舊耕田遶樹
宜新雨平疇迥暝煙村醪何處貰空挂杖頭錢

晚晴彙詩匯卷一百九十四終